

Dadansoddiad o Adroddiadau Arolygu CYSAG Sir Ddinbych

Gwanwyn 2014

(adroddiadau a gyhoeddwyd yn nhymor yr hydref)

Ysgol	Dyddiadau	Arolygwr Adrodd
Ysgol Cefn Meiriadog	Hydref 2013	Mrs Jane Williams
<p><i>Mae Ysgol Cefn Meiriadog ym mhentref Cefn Meiriadog, ger tref Llanelwy, yn awdurdod lleol Sir Ddinbych. Daw'r disgyblion o ystod eang o gefndiroedd ac maent yn byw yn y pentref neu'r ardal wledig gyfagos.</i></p> <p><i>Mae'r ysgol hon ar gyfer disgyblion rhwng 3 ac 11 oed. Ar hyn o bryd mae 75 disgybl yn yr ysgol, gan gynnwys naw plentyn sy'n mynychu'r dosbarth meithrin yn rhan-amser. Mae niferoedd disgyblion yn debyg i'r niferoedd ar adeg yr arolwg diwethaf. Mae'r ysgol wedi ei threfnu yn bedwar dosbarth oedran cymysg. Does dim un disgybl yn siarad Cymraeg fel ei iaith gyntaf nac yn derbyn cymorth gyda Saesneg fel iaith ychwanegol. Mae'r rhan fwyaf o'r disgyblion o ethnigrwydd gwyn Prydeinig gydag ychydig iawn o ddisgyblion o gefndiroedd ethnig cymysg.</i></p> <p><i>Mae 18% o'r disgyblion yn gymwys i gael prydau ysgol am ddim, sy'n is na chyfartaledd yr awdurdod a Chymru gyfan. Nododd yr ysgol bod gan 21% o ddisgyblion anghenion dysgu ychwanegol. Nid oes gan unrhyw ddisgybl ddatganiad o anghenion addysgol arbennig.</i></p>		
Ysgol Trefnant	Hydref 2013	Richard Lloyd
<p><i>Mae Ysgol Trefnant, Ysgol Gynradd Wirfoddol a Reolir gan yr Eglwys yng Nghymru, yn gwasanaethu pentref Trefnant a'r ardal gyfagos yn Sir Ddinbych. Mae 76 o ddisgyblion rhwng 3 ac 11 oed yn yr ysgol gan gynnwys 12 disgybl yn y dosbarth meithrin. Mae gan yr ysgol bedwar dosbarth. Mae gan tua 10% o'r disgyblion hawl i brydau ysgol am ddim. Mae'r ffigur hwn wedi cynyddu'n raddol yn ystod y blynyddoedd diwethaf ond yn parhau i fod yn is na'r cyfartaledd cenedlaethol.</i></p> <p><i>Daw bron yr holl ddisgyblion o gartrefi lle mai Saesneg yw'r brif iaith a does dim disgyblion yn siarad Cymraeg fel iaith gyntaf. Gwyn Prydeinig yw ethnigrwydd y rhan fwyaf o'r disgyblion; mae'r gweddill yn bennaf o ethnigrwydd cymysg. Ychydig iawn o'r disgyblion sy'n derbyn cymorth gyda Saesneg fel iaith ychwanegol. Nododd yr ysgol bod gan tua 19% o ddisgyblion anghenion dysgu ychwanegol. Ar hyn o bryd, nid oes gan unrhyw ddisgybl ddatganiad o anghenion addysgol arbennig ac nid oes unrhyw ddisgybl dan ofal yr awdurdod lleol. Ni fu unrhyw waharddiad disgybl cyfnod penodol yn y 12 mis diwethaf.</i></p>		

SYLWADAU CADARNHAOL

Cwestiwn Allweddol 1: Pa mor dda yw'r Canlyniadau?

Safonau:

- Roedd y perfformiad yng nghanlyniad 6 mewn datblygiad personol a chymdeithasol, lles ac amrywiaeth ddiwylliannol yn llawer uwch na chyfartaledd y teulu. (Cefn Meiriadog)
- Mewn datblygiad personol a chymdeithasol, lles ac amrywiaeth ddiwylliannol, roedd llwyddiant disgyblion yn gyfartal â chyfartaledd y teulu ac yn rhoi'r ysgol yn y 25% uchaf o ysgolion tebyg. (Ysgol Trefnant)

Lles:

- Mae disgyblion yn datblygu ymwybyddiaeth dda o'r gymuned leol ac mae'r ysgol yn eu paratoi'n dda ar gyfer y cam nesaf yn eu haddysg. (Cefn Meiriadog)
- Maent yn dangos parch, cwrteisi ac ystyriaeth tuag at ei gilydd a tuag at oedolion. (Ysgol Trefnant)

- Mae llawer o ddisgyblion yn cyfrannu'n dda at weithgareddau yn y gymuned. Mae hyn yn cael effaith gadarnhaol ar eu datblygiad fel unigolion cyflawn a chyfrifol. (Ysgol Trefnant)

Cwestiwn Allweddol 2: Pa mor dda yw'r ddarpariaeth?

Profiadau dysgu:

- Mae'r ysgol yn darparu ystod dda o gyfleoedd i ddisgyblion ddysgu am gynnaladwyedd a hyrwyddo dinasyddiaeth fyd-eang. (Cefn Meiriadog)
- Mae'r ysgol yn darparu cwricwlwm eang a chytbwys sy'n bodloni gofynion statudol. (Ysgol Trefnant)
- Mae ymweliadau addysgol, fel ymweliad ag Eglwys Gadeiriol Llanelwy, ynghyd ag ymwelwyr i'r ysgol, yn ategu'r cwricwlwm ac yn cyfoethogi profiadau dysgu'r disgyblion. (Ysgol Trefnant)
- Maent hefyd yn darparu profiadau dysgu o ansawdd da, sy'n datblygu dealltwriaeth disgyblion o fywyd mewn gwledydd eraill. (Ysgol Trefnant)

Gofal, cefnogaeth ac arweiniad:

- Mae'r ysgol yn darparu lefel dda o ofal, cefnogaeth ac arweiniad ar gyfer ei disgyblion. Mae staff yn defnyddio ystod dda o strategaethau a rhaglenni i gefnogi anghenion personol disgyblion, gan gynnwys eu datblygiad ysbrydol, moesol, cymdeithasol a diwylliannol. (Cefn Meiriadog)
- Mae staff yn darparu profiadau gwerthfawr sy'n hyrwyddo datblygiad ysbrydol, moesol a chymdeithasol y disgyblion yn dda. Mae addoli dyddiol yn canolbwyntio yn llwyddiannus ar godi ymwybyddiaeth o ddatganiad cenhadaeth yr ysgol. Mae cysylltiadau lleol cryf â'r eglwys a'r gymuned ehangach yn helpu disgyblion i ddatblygu dealltwriaeth dda o fyw mewn cymuned. (Ysgol Trefnant)

Amgylchedd Dysgu:

- Mae'r ysgol yn gynhwysol, yn cynnig mynediad cyfartal i'r cwricwlwm i bob disgybl ac yn hyrwyddo pwysigrwydd amrywiaeth yn dda. (Cefn Meiriadog)

Cwestiwn allweddol 3: Pa mor dda yw arweinyddiaeth a rheolaeth?

Gwaith Partneriaeth:

- Mae gan yr ysgol ystod eang o bartneriaethau gyda sefydliadau cymunedol. Mae'r rhain yn cael effaith dda ar ehangu profiadau dysgu'r disgyblion. Er enghraifft, mae ymweliadau cyson â'r eglwys leol yn datblygu datblygiad moesol ac ysbrydol y disgyblion yn dda. (Ysgol Trefnant)